



Inatsisartunut ilaasortaq
Nikolaj Jeremiassen, Siumut

Ilagiinnut atugassarititaasut pillugit § 37 naapertorlugu apeqqummut akissut

Asasara Nikolaj Jeremiassen,

Apeqqutinnut qujanaq. Apeqqutit ataani akineqarpoq.

Apeqqut: Ullumikkut Kalaallit Nunaanni ilagiinnut atugassarititaasut Naalakkersuisunit massakkutut ingerlatiinnarniarneqarpat?

Akissut:

Naalakkersuisut biskopeqarfimmit ilisimatinneqarput assersuut allaaserineqartoq ilisarinnaanagu aammalu oqaluffimmi iliuutsit pineqartut sumiiffinnilu palasip/ajoqip akornanni isumaqatigiissutaasartut.

Immikkoortumi suleriaaseq tassaavoq aappariit palasip feriarnerani oqaluffimmi iliuuseqartoqarnissaa kissaatigippassuk piffissamik allamik palasi siunnersuuteqassaaq. Sulisoqarniarneq pissutigalugu Kalaallit Nunaanni ilagiit piffissanut kissaatigineqartut tamaasa malissinnaangilaat. Pisulli ilaanni palasi soraarneq illoqarfimmi pineqartumi najugaqartoq pissutsit tunngavigalugit ikiuussinnaavoq.

Illoqarfiit ataasiakkaat ilaat palaseqannginnerat Naalakkersuisut eqqumaffigaat, tamannalu palaseqarfimmi pineqartumi ilagiinnut sunniuteqartarpoq kiisalu palaseqarfimmi allani palasinut suliassaqaarnarnerulertarluni. Tamanna allangortinniarsarianarlugu Naalakkersuisut, biskoppeqarfiup ilisimatusarfiullu akornanni suleqatigiinnikkut Danmarkimi ingerlannagu Kalaallit Nunaanni palasit seminariannik ilisimatusarfik neqerooruteqarsinnaalerpoq. Naalakkersuisut neriuitigaat ilinniartut ilaat ilinniareerneramik kingorna palasit atorfimmiinnissasut tamannalu ilagiit atugassarisaasa pitsanngortinnissaannut tapersiissaaq.

Naalakkersuisut ilisimavaat ilageeqarnermi unammilligassarpassuaqartoq siusinnerusukkullu nalunaarutigineqareersut ilagiit aalajangiinernut sunniuteqarnerulernissaat Naalakkersuisut qulakkeerusuppaat, taamaammallu tamanna ilaatigut qulakkeerniarlugu 2015-imi upernaakkut ataatsimiinnermi inatsisissatut siunnersuummik saqqummiinialutik.

Inussiarnersumik inuulluaqqusillunga

Nick Nielsen

12-08-2014
Sags nr. 2014-102516
Dok. nr. 1655765

Postboks 1029
3900 Nuuk
Tlf: +299 34 50 00
Fax +299 32 20 73
Email: liknn@nanoq.gl
www.nanoq.gl